

精微病情之難得。治法之多端。苟非致思不能入。其肯綮。人命所懸。其猶可以小技輕之乎。世之業醫者。率不讀書。其能讀書者。多爲儒者流。而不屑爲醫。嗟夫。世之無良醫。不亦宜乎。

〔儼塾集二〕醫在務本論○中略

夫肄醫者。初學素樞難經三年。通其大義。藏府經脈之微。運氣之變。病邪之因。鍼灸之法。盡于此焉。次學本草二年。藥性氣味補瀉溫涼。盡于此焉。次讀張長沙及劉張李朱之書二年。傷寒內傷雜病諸科。盡于此焉。而更互繙釋。融會貫通。醫之大本可知矣。次同友相會。表出古人醫案。切於今病者。各書一紙。互問此證名狀。奈何。此病治方奈何。默計熟察。而詳對之。考其辨證處。治與古人合否。以自求其所不至。日鍊月鍛。如是一年。而後初可臨病家。屢經效驗。而率得療術之蹊路。而後從來所講習所積思。自然奮發。泛應曲當。探頤鉤深。辨疑解紛。無所治而不適中。藐藐乎踰越庸醫之群。譬如材木有餘。大廈乃成。輻重足而三軍易發。其學未熟。慎莫喜。施藥求功效。假令偶中。君子之所恥也。不自修而治人。不播種而求稼。是謂其本亂而未治者否矣。易曰。公用射隼於高墉之上。獲之无不利。聖人曰。隼者禽也。弓矢者器也。射之者人也。君子藏器於身。待而動。何不利之有。後世奔兢之徒。今日見一二卷方書。明日稱醫。施藥不爲渠見。誤者幸而已。且夫將大有爲者。必伸於久屈之中。發於持滿之末。如良將之用兵。多類于是。王翦攻荊。堅壁而不肯戰。荊兵數挑。終不出。日休士撫循之。久而一舉大破之。今學醫者。厚積十年。可以稱醫矣。蓋氣質之性有利鈍。故成器有遲速。利者不得十年。鈍者或倍之。是故成器先後存乎性。廣濟衆病存乎精。爲天下所重存乎命。醫豈易道哉。

〔療治茶談三〕初學治療ノ才ヲ長ゼント思ハ、必ズ抄書ノ業ヲ務ベシ。抄書トハ、俗ニ云フヌキガキノ事ナリ。其法、先一小冊子ヲ作り、方彙ノ如ク、各病名ノ部門ヲ分チ定メ、平日之ヲ座右ニ置キ、書見ノ毎度、要語奇方ニ遇ハ、俗書抄藥等ノ嫌ヒナク、少シモ治療ノ助ニナルベキ處ハ、悉ク彼ノ冊子抄寫スベシ。仙氣ノ方ヲ得バ、疝氣門ニ、頭痛ノ要語ニアハ、頭痛門ニ書入ルベシ。而其出